

Gegenbeweisung

Articul wol mercken wölle/so werden sie ihn mit diser Laru
uen nicht leichtlich mehr betriegen. Vnd so vil von dis
sem Articul/zē.

Von der Person Christi.

WAs die Lehr der Psälkischen Theologen sey von der
Person Christi/ ist ohne not diß ortz nach der lenge
zu widerholen. Ihre Christliche Bekantnisse/ Catechis
smi/ Schrifften vnd verantwortungen davon/ ligen vil
fältig am tag/ Vnd ist die summa davon/das sie sich mit
herzen vnd mund zu dem allem/one aufnehmen/bekennen/
was von der Person vnserz H E X X N vnd Heylands
Jesu Christi in der heiligen Schrift/ in Symbolo Apo
stolico, in den vier Haupt Symbolis der alten Kirchen/
im dritten Articul der Augspurgischen Confession vnd
deren Apologia gelehrt vnd bekant wirdt/ dessen inhalt in
» der Apologia diser ist: Das in Christo zwo Naturen
» seind/ nemlich das Gottes Sohn die Menschliche Nas
» tur hat angenommen/ vnd also Gott vnd Mensch ein
» Person/ ein Christus ist/ vnd das derselbige für vns hat
» gelitten/ vnd ist gestorben vns dem Vatter zuversöh
» nen/ vnd das er aufferstande ist/ das er ein ewig Reich
» besitze/alle Glaubigen heilige vnd gerecht mache/zē. Wie
» das Credo der Aposteln/ vnd Symbolum Nicænum
» lehret.

Dises ungeachtet/vnterstehet sich der Beweiser (gleich
als weren alle Menschen blind vnd taub) ein anders daro
zu thun/ vnd zubeweisen/ ihre der Heidelberger Lehr sey
auch in disem Articul Gottes wort vnd der Augspurgis
schen Confession greiflich zu wider.

Pag. 19.

Denn/ spricht er/ wir bekennen im Symbolo Aposto
lico,